

四庫全書

集部

欽定四庫全書

文苑英華卷四百三

宋 李昉等 編

東宮一

太子太師

授宋王成器太子太師制 蘇頲

門下孟侯之禮雖歸於冢弼太伯之風實尚於高節左
衛大將軍宋王成器幼而聰惠長則溫仁禮樂同歸質
文相半孝以為政每用因親忠而立誠所期尊主故能

樂於為善好在服儒占蟻穴以探徵登省臺而成賦自

奄有梁宋作藩邦家其儀孔臧其德可大朕之元子當

踐副君以隆基有社稷大功神祇唐書作人神僉屬由是朕

前懇讓言在必行天下公議唐書作至公誠不可奪爰符立

季之典庶叶從人之願况別為九州必資於牧伯貞夫

萬國先佇於師傅式副僉諧之求仍先不拜之寵可雍

州牧揚州大都督太子太師別加寶封二千戶賜物五

千段細馬二千匹奴婢十房金銀器皿二百事甲第一

區良田三十項餘如故主者施行

授信安王禧太子太師制

孫述

門下傳導元子師長庶察必在正人無非舊德太子少
師上柱國信安王禧宗室良翰朝廷碩老踐忠公而立
節體明肅而成用頃膺大任頻總中權掌夏司春是為
六官之長戢兵禁暴何止萬人之敵睦親尚齒念舊錄
功宜優天秩之榮俾極官臣之位可光祿大夫守太子
太師勳封如故

太子太傅

擬太子太傅制

劉禹錫

勅太子太傅古今之重任也其使吾子目見正事耳聞正道左右前後無非正人繫爾太傅之力久虛其位式佇端人以爾命之朕無慙德可

太子太保

擬太子太保制

勅禮云三王之教太子入則有保出則有師是以教諭

而德成也其實一焉必擇恭敬溫文以輔道其德使吾
太子觀爾之道景行之無人則虛不求充位校德而命
其稱厥官可

太子少師

授唐休璟太子少師制

蘇頌題

門下君臣之道欽若從又師保之寄人具爾瞻必在者
德共康庶政特進前行尚書右僕射同中書門下三品
上柱國宋國公致仕唐休璟自天錫夢維岳降精心竭

忠公器包文武廟堂隆棟委以弼丞帷幄運籌推其決勝爰當宰任固辭揆職私第懸車耆年益壯公門軾馬朔見逾聞求舊所期懷賢是切諭於三善况侍正人營於百工孰過元老宜紆几杖伴作鹽梅可行太子少師同中書門下三品散官勲如故

授岐王範太子少師等制

黃門贊翼皇儲允歸師保崇敬叔父諒屬親賢號州刺史上柱國岐王範秘書監兼幽州刺史上柱國薛王業

等明允篤誠溫良恭儉忠孝先於令典文儒備於成業
自為我藩翰擁其干旄雅聞邵伯之詩尤羨魯公之政
雖頒條是務而導禮兼資因入拜於承明佇來儀於博
望範可太子少師虢州刺史業可太子少保兼幽州刺
史勲封等各如故王者施行

太子少傅

授嚴綬可太子少傅制

白居易

勅東朝保傅歷代尊崇漢擇名儒

一作漢

擢碩儒

任

一作名

先踈

廣晉求耆德選在山濤實資六傅之賢用弘三善之道
檢校司徒兼太子少保嚴綬文雅成器恭謙致用出領
重鎮以率諸侯入為大集作僚以長卿士歷踐中外備
嘗艱虞殆三十年勤亦至矣况理心以體道知命而安
時是謂教誨之人可居集作調護之任由保遷傅爾其
敬之可太子少傅

授鄭餘慶太子少傅制

勅東朝三少歷代重選不必備位在乎得人吏部尚書

鄭餘慶貞恒儉素有古人風發自脩身施於為政出入
中外多歷要重咸有勤績存乎集作官次况動中禮法
學綜儒玄是謂羽儀之臣可居師傅之任輔我元子爾
其勉歟可太子少傅

太子少保

授崔琳太子少保制

門下貞萬國者必在於元良教三善者是求於端士銀
青光祿大夫守刑部尚書上柱國清河郡開國公崔琳

中和稟氣厚德資身雅言有章明議能斷標禮樂於先
進効忠公於大官堅白不渝芬芳自久緝熙秋典用簡
于心調護春宮更難其選宜取才於六職俾齊名於二
傅可守太子少保

太子賓客

授韋嗣立太子賓客制

蘇頲

門下望園賓客非賢莫可中朝碩茂選衆尤歸銀青光
祿大夫國子祭酒上柱國道遙公常嗣立溫恭密靜孝

悌忠實鑒測毫端詞詮象外昆弟承一經之業登相者
代不乏人閨門有萬石之風立言者士是則效疇咨滿
於故事潤色敷於令典屬以疾辭用體張良之志資於
德舉宜從綺季之遊可太子賓客散官勲封如故主者
施行

授鄭惟忠太子賓客制

黃門元良之重賓友是擇自匪舊德孰膺

一作應

斯拜銀

青光祿大夫守禮部尚書上柱國棗陽縣開國公鄭惟

忠積溫厚之氣暢清純之風學綜幽蹟詞含比興屢登
近要見美徽猷不訐直而徇名期後仁以為利北斗喉
舌雖屬於尚書南山調護更憑於耆老而宜迴建禮之
秩將益承華之裕可守太子賓客散官勲封如故

授賀知章太子賓客等制

孫逖

門下調護儲宮典司延閣必在舉德固無虛授慶王侍
讀銀青光祿大夫秘書監員外郎置同正員賀知章等
衣冠者舊詞學宗師或恬淡風流獨擅東南之美或清

貞介特是稱江漢之英負當朝之令名有錫類之純行
頃令教導久侍藩維善利則多寵章宜及方之四老用
列賓友之任綜彼三墳俾在圖書之府可依前件

授孟溫太子賓客等制

門下重位高官必歸於舊德中朝內外亦在於更遷金
紫光祿大夫使持節同州諸軍事行同州刺史上柱國
魯國公孟溫性與嚴明才優政理朝請大夫使持節魏
州諸軍事守魏州刺史上柱國安平縣開國伯崔璘清

而率下正以持身或累登要劇聲謠夙著或頻更刺舉
歲序滋深出入兼施器能皆適宜膺調護之選俾踐官
坊之任溫可太子賓客璘可太子右庶子散官勲封如
故

授裴元初太子賓客制

門下官朝所重賓友為先誰其往諧必也求舊通議大
夫守太僕卿上柱國聞喜縣開國侯裴元初已勵行全
一作脩
已勵行
存誠好德中和應物豈終食而違仁至理為心

每忘筌而合道早升清要一作官累踐崇班能慮始以思

終不近名而過實宜膺端士之選以佐元良之貞可太子賓客勲封如故

授嗣吳王祗太子賓客制 常 袞

勅古者選孝悌閑博有道術者輔翼太子今以宗室之老處賓師之位亦親親而教敬也光祿大夫檢校工部尚書兼宗正卿上柱國嗣吳王祗文昭之慶蔚于公族楚元之後繼有忠賢達道虛懷寬厚廉謹藩翰舊德人

倫憲行更於內外職事頗循疑年在華皓未嘗衰惰叅
會府而百工時叙掌宗卿而九族益親每託肺腑深加
優禮宜以冬官之重乃在春儲之列可兼太子賓客其
檢校工部尚書及散官勲封如故

授孟子周太子賓客制

勅聞匹夫之愛其子者猶求明哲為之師賢善為之友
而況於羽翼元子賓游東朝非舊德者年孰副茲選前
守光祿卿騎都尉賜紫金魚袋孟子周詞藝飾身端厚

居業歷官中外休有令聞人推君子之風朝洽名卿之
目副予求舊咨爾誠明勉脩諷喻之詞以俟元良之德
可守太子賓客勲封如故

授趙昌檢校吏部尚書兼太子賓客制

白居易

門下王者以尚齒尊賢為體以念功任舊為心況文武
之才有以兼備則中外之職所宜迭居所以寵舊勲而
優者德者也前荆南節度管内度支營田觀察處置等使

金紫光祿大夫檢校兵部尚書兼江陵尹上柱國天水
郡開國公趙昌聚學飾身脩誠致用久膺事任累著勲
猷統護交州威惠之聲克振鎮臨南海撫循之政有經
自移部荆門馳心魏闕增脩職貢益勵忠勤爰舉寵章
用旌茂績夫望優四皓然後能調護春闈才冠六卿然
後能紀綱會府惟爾年德足尚可以周旋其間宜增喉
舌之榮以崇羽翼之任服我休命其惟懋哉可檢校吏
部尚書兼太子賓客散官勲封如故主者施行

授王牘太子賓客制

錢 珣

勅典職之重本於調護之名者非端厚自守練達有聞
焉可罷而復居當我為官之選具官王牘始剛方之氣
嘗失志於策名受聘塞垣通籍朝序致強學之力不廢
半塗恥巧宦之謀罔違公道利多開物優實在邦戒滅
裂以能勤知蒲盧之可化頃因將命遂乃去官爰陟崇
階俾還舊秩勉來辨色無隨盡忠可依前件

太子詹事

授畢構太子詹事制

蘇頌

黃門攝生遂性義存於尚德去劇從簡禮切於優賢銀
青光祿大夫守戶部尚書上柱國魏郡開國公畢構當
代周才幹時良其臺閣推其簡練衣冠仰其全德而五
教之重六官是先精以辨政勞而弱疾方欲憑於導引
極疑彼清羸暫踐實嬰之職亟期呂蒙之愈可守太子
詹事散官勲如故主者施行

授許王瓘太子詹事制

孫逖

門下宮僚之首必擇正人邦畿之內實資良牧銀青先
祿大夫秘書監上柱國太原郡開國公王暉言行立誠
是稱親懿嘗以善而為樂每執謙而忘倦從政已多議
能惟允彈違是屬宜肅事於東朝理劇尤難俾安人於
左輔瓘可太子詹事暉可使持節同州諸軍事守同州
刺史散官封如故

授盧詢

一作綸
下同

太子詹事制

門下大中大夫使持節華州諸軍事守華州刺史上柱

國盧詢才標公望器重士林頃寄分憂備彰聲稱近聞
稱病已歷旬時雖從政之能猶堪於卧理而攝生之道
終忌於勞神宜增班秩之榮俾在優閑之地可太子詹
事員外置同正員

授程伯獻太子詹事等制

門下準絕儲案師長國庠爰擇親賢用諧任寄鎮軍大
將軍行右金吾大將軍兼弩營使上柱國廣平郡開國
公程伯獻勲臣業固幹略有餘雲麾將軍守右武衛大

將軍上柱國安平郡開國公李仲思宗子地華行能無
悔咸推雅量早踐通班或甫及高年或近嬰微疾管校
之任久以煩卿優閑之職期於遂性宜膺並拜俾在兩
宮伯獻可光祿大夫行太子詹事仲思可銀青光祿大
夫國子祭酒員外置同正員

授王晞太子詹事制

門下儲闈掌事端尹命官疇咨所難慎擇斯在雲麾將
軍前左千牛衛將軍上柱國太原郡開國公王晞衣冠

貴緒人物通才善自謀身見推於賢戚凡所効職必聞於中外頃緣謝病今則有瘳舉其滯淹用升于朝列甄其望實宜首於宮寮可銀青光祿大夫守太子詹事勳封如故

授郭曜太子詹事制

常 袞

門下正于宮僚以視邦憲務兼內外選重古今銀青光祿大夫守太子賓客上柱國太原郡開國公郭曜丞相之子夙聞禮訓孝悌信讓清公仁厚端莊慎獨如有大

賓之容沈靜少私澹然儒者之行濟以才識達於公方
素多歷職之稱用叶居家之理士林推重朝野洽聞待
以容禮既任賢於調護委之官事更持綱於彈糾可守
太子詹事散官勲封如故主者施行

太子少詹事

授沈佺期太子少詹事等制 蘇頌

黃門正議大夫太府少卿昭文館學士上柱國吳興縣
開國男沈佺期才標穎拔思詣精微早升多士之行獨

擅詞人之律正議大夫行衛尉少御上柱國揚崇禮神
情凝正器識沉敏久聞忠義之風克樹循良之績儲閣
總務御寺推能佇執紀綱爰司帑藏佺期可太子少詹
事崇禮可行太府少卿散官勲如故王者施行

授裴君士太子少詹事制

黃門正議大夫行殿中少監員外置同正員裴君士外
以凝正中惟雅實地稱垂棘之寶門降穠華之貴自邁
迹朝行升榮御府尤聞密靜行益一作益重柔嘉亞彼儲端

允符公選可太子少詹事主者施行

文苑英華卷四百三

欽定四庫全書

文苑英華卷四百四

宋 李昉等 編

東宮二

左右庶子

授王方慶左庶子制

李 嶠

鸞臺昇降銅樓輔弼

一作弼

玉裕必求時望以隆國本麟

臺監王方慶盛門良緒敏學豐才道業夙彰言行無玷
備歷清顯式昭幹具體溫恭之性造次不違守廉退之

風終始若一實舊德之明允見通人之老成昔張良以
三傑之才始傳儲右史丹資八舍之重方護春官簡賢
任能抑有前事宜膺九德之選用光三善之業可行太
子左庶子散官勲如故

授姚元之等兼太子庶子制 蘇頲

勅元儲者萬國之貞端士者一時之選自匪英傑孰當
調護銀青光祿大夫守兵部尚書同中書門下三品上
柱國梁縣開國公姚元之中散大夫檢校吏部尚書同

中書門下三品宋璟等並以賢良方正茂才異等著於
天下揚于王庭忠而在公孝以為政見義難奪立誠不
回發揮文教博一作錯綜儒術故能生此王國戴于朕躬
屬少陽初建承華洞啓使股肱之良宣諭道德雖典厥
二柄實務茲官必俟大臣俾兼中庶元之可兼左庶子
璟可兼右庶子餘如故

授韋杭太子左庶子制

黃門銀青光祿大夫行兵部侍郎上柱國韋杭公直有

檢清芳無欲自然禮儀飾以文雅臺閣許其精練縉紳
推其望實故可以發揮夏籥光踐春華宜從綺季之遊
益重王商之拜可行太子左庶子散官勲如故主者施
行

授崔珪太子左庶子制

門下太子左庶子崔珪和氣由衷通才應物衣冠貴其
雅道筆札資其利用宮坊効職聲實攸歸曾是一處爰作
遷宜從後命可太子左庶子散官勲如故

授崔秀太子左庶子制

門下古者官宿其業吏不數變將欲觀其始終因以別其能否若用舍非當遲速不倫是開趨競之門豈日和

均之道宗正少卿崔秀等名迹早著朝廷所推各勅一作

初

一官已經四稔誠器能有用久次當遷宜副僉諧俾

膺並命且承平日久從仕者多必憑考績方議進轉但須慎守豈滯其能如或躁求是招其累速則不達謙而必亨凡今庶僚宜悉朕意可依前件

授郭虛已太子左庶子制

門下朝議郎守駕部員外郎兼御史中丞朔方節度行
軍司馬闕內道採訪處置使賜紫金魚袋郭虛已雅才
明達和氣清深致遠之資文而飾吏徐雅之用剛且近
仁累踐臺閣頻更任使懋功斯久賞善當遷擢以正人
宜拜職於中庶增其寵服俾兼榮於獨坐可朝散大夫
守左庶子兼御史中丞餘如故

授張謂太子左庶子制

常袞

勅中散大夫前守潭州刺史本州團練守捉使上柱國
河內縣開國子賜紫金魚袋張謂往以鴻筆麗藻列於
近侍典謨訓誥多所潤色較然素節鬱有盛名言念華
山之巡不忘潁川之從一作舊俾之領郡亦謂理平而
孝悌閑博禮容循謹宜在公選首茲正人旌書課第之
目叅相春坊之重可守太子左庶子散官勲封如故

授李廙太子左庶子制

門下銀青光祿大夫前行給事中上柱國隴西縣開國

公李廙德崇業廣多識前言究墳典之至精考禮樂之所極時有著述瞻而不流其在家邦率由忠儉歷位要重秉茲諒直久以病免澹然自居混冥元和放一作屏絕外務每制度未決質文或差常亦處正大議冠諸宗室儲宮綜事可謂優閑宜迫以朝議且頒其祿賜煩於贊相寄在親賢可行太子左庶子散官勳封如故主者施行

授楊歸厚太子右庶子制

李廙仲

勅為宮相者非班位已深名望有素則不可也前東都
留守判官朝議郎檢校太子右庶子兼侍御史上柱國
賜緋魚袋楊歸厚詞場英華諫省勤舊及典列郡政聲
必聞乃者罷符印之勞佐保釐之重賢士君子歎其不
遷儲闈屬寮中庶為美爰用分職爾其往哉可守太子
右庶子分司東都散官勲賜如故

授前沂王傅賜紫殷盈孫可太子右庶子等制

錢 珣

勅具官某等習與性成至哉夏書之訓也故近則相習
習則相成國有儲君戒之在習於其附近實屬上僚益
孫學本六經遂達四教出言行事常得指歸是以宮相
命之且欲近吾元良利於所習其爾必三字疑聞荷前為
博士官竟不就列堅求縣長務供養之資圖樂退居爾
能于祿載典而興一作有所嘉焉可依前件

太子中允

授于復業太子中允制

李嶠

鸞臺新除朝議大夫守隨州刺史于復業志識端雅藝
能詳洽既罷臺閣方驅節傳銅樓俟俊銀榜翹賢漢水
觀風且輟彤檐之務瑤山聽樂宜煦黃離之景可守太
子中允散官如故主者施行

授于光寓太子中允制

蘇頲

黃門正議大夫行太子左贊善大夫于光寓立言踐行
悅禮敦詩為文可觀從吏不忝往登仙閣閑練馳聲洎
在雄藩清公應務宜以大夫之列更增端士之華可行

太子中允散官如故主者施行

授李察太子中允制

勅李察賓于諸侯之府者次于公朝之吏籍其叅畫則
就加甄擢獻其賢能則入選察事其長有勞可書昇于
東朝闕愿之請勉奉清秩無曠厥官可依前件

太子司議郎

授魏慤太子司議郎制

勅朝議郎前行洛州錄事叅軍魏慤措心和暢祗事清

審擢選殊尤早從殷劇司州揔錄已提郡吏之綱望苑
求賢宜在正人之列可太子司議郎

授張肩太子司議郎制

勅朝議郎前守渭州司馬上柱國武城縣開國男張肩
公清衆知虛白已任政先慈惠理尚仁明每執劾官之
心必聞奏課之首承華佇雋博望甄才用旌賢相之家
宜在正人之列可行太子司議郎散官勲如故

授許誠感太子司議郎等制

門下朝散大夫行殿中侍御史上柱國許誠感朝議大
夫守澤州別駕上柱國嘉興縣開國子姚昌潤等或持
邦憲才幹稱多或貳藩條公勤克著青宮列侍玄閣脩
文宜拜職於兩司仍佐軍於三蜀誠感可行太子司議
郎昌潤可守著作郎仍充劔南節度判官勲封各如故

左右諭德

授楊禎太子右諭德制

黃門大中大夫前試剡王府長史上柱國鄭國公楊禎

敬以安仁恭而合禮相門華胤著清徽王郎元寮復
膺高選屬肇開於博望宜審諭於承華可行太子右諭
德餘如故主者施行

授殷承業太子左諭德等制 孫 逖

門下朝議大夫宗正少卿殷承業行宗正丞王利涉等
咸以器能各升班序克勤於事不忝其名九族之司既
無取於異姓兩宮之地宜有命於分官承業可太子右
諭德利涉可國子監丞

授許從之太子右諭德制 常 袞

勅朝議郎試太子司議郎賜緋魚袋許從之學究儒流
文推策府行能優敏政事通明公勤之効備彰於履歷
遲暮之年固資於頤養俾遷階秩仍遂休閑可朝散大
夫守太子右諭德致仕

授王寅太子左諭德制

勅關內河東副元帥隨軍要籍朝議郎試秘書省著作
郎賜緋魚袋王寅業繼儒門才通吏術嘗踐清秩不渝

素檢自叅戎府更展文韜進職官僚用嘉勤績可試太子左諭德餘如故

左右贊善

授相王男成器太子左贊善大夫制

李嶠

鸞臺相王男壽春郡王成器毓彩桂山承規椒掖韶容霞舉美志月將望苑翹才瑤山佇俊宜叅多士之選俾從正人之列可中大夫太子左贊善大夫勳封如故主

者施行

授王瑀太子左贊善大夫制 蘇頲

黃門通議大夫行宋王府諮議參軍上柱國王瑀雅清
理識尤茂風檢藝能素優名教為樂雍容朱郎已聞諷
議之先一作華侍從青宮宜在文儒之列可行太子左贊
善散官如故王者施行

授蘇徵太子右贊善大夫制

黃門正議大夫行絳州司馬上柱國蘇徵名公之訓能

遺清白才子馳聲特稱敏瞻往從遷貶不誣姦邪遂使
揚歷官次滯遺年序宜旌絳郡之康式寵青宮之列可
太子右贊善大夫散官如故主者施行

授吳昇太子左贊善大夫制

黃門朝議大夫前守陝王府諮議參軍上柱國吳昇悟
理明達用心微妙博以才藝精於談吐西園月上亟聞
飛蓋之篇東陸春歸宜聽鳴笳之響可守太子左贊善
大夫散官勲如故主者施行

授甘暉太子贊善大夫等制 孫 逖

勅主客員外郎甘暉前代州長史元嘉福等或遊心淡泊常有慕於幽人或從事勦勞頗知名於邊郡各循班列仍度器能宜序東朝之列俾遷外藩之佐暉可守太子贊善大夫嘉福可守戎州長史散官如故

授蕭誠太子左贊善大夫制

勅朝議郎恒州司馬隨軍副使幽州節度驅使上柱國借緋魚袋蕭誠早標明敏久著聲名詞翰推工才能適

用頃從戎幕嘗募征夫宜遷翊贊之榮仍効撫綏之術
可守太子左贊善大夫依前幽州節度驅使仍專檢校
管內諸軍新召長遠徃來健兒事

授韋汭太子贊善大夫等制

門下朝散大夫守忠王府諮議叅軍常汭等各有才器
備彰名實頃膺朝選久在王門儲貳作貞既承於新令
慶賞行惠必先於舊僚宜叶典章用增班秩可

授師良太子左贊善大夫制
常 袞

勅朝議大夫前舒州別駕直中書師良久直禁垣參典
書命既精文理尤達事經常遠其私亦過於慎夙夜有
恪歲時積勞顧班列而頗淹在朝章而可舉藩僚之選
以序而進一作可守太子左贊善大夫依前直中書散
官勲封如故

授王幹太子左贊善大夫制

勅福建節度孔目官朝議郎試左金吾衛長史上柱國
賜緋魚袋王幹文林郎壽州錄事上柱國郭皎等員以

幹事敏于在公掌戎門之條目精詳著稱董方州之財賦底慎惟勤宜懋乃官以疇其効幹可試太子左贊善大夫餘如故皎可朝議郎行鄂州武昌縣尉勲如故

授孫履暉太子左贊善大夫制

勅渭毫節度知兵馬使銀青光祿大夫試殿中監孫朝俊父朝議郎行原州司戶叅軍上柱國孫履暉器韞黃中行敦素尚勤於學藝守以謙光頃踐班資未申才用顧其盾嗣積有勲勞宜列宮寮俾先庭訓可試太子右

贊善大夫散官勲如故

太子洗馬

授竇元泰太子洗馬制

蘇頌

勅昭成皇后四從叔朝議郎行黃州司馬竇元泰觀津之榮累秩外戚伏波之訓方裕後昆可勸導宗黨儀刑門族俾登洗馬之秩罔忝濯龍之戒可太子洗馬員外置同正官散官如故仍為長檢校本族子弟事

授李思誼太子洗馬等制

勅朝散郎守忠王友翰林供奉兼侍諸王等書李思誼
等官分望府名著周行咸以其長各施於用藩維樂善
已陟於元良僚屬延恩俾遷於列位可依前件

太子舍人

授蕭嵩太子舍人制

黃門朝請大夫殿中侍御史內供奉判尚書司勳員外
郎上柱國蕭嵩沈密有才清方不競郎官御史已膺臺
閣之求端士正人宜副宮坊之選可行太子舍人散官

勲如故主者施行

授姚奕太子舍人制

黃門中散大夫行鴻臚寺丞上柱國夏縣開國公姚奕
循環禮與祇若謙柄清白為事文章著名宜升景倩之
才更拜當時之秩可行太子舍人散官勲封如故主者
施行

授崔縝太子舍人制

勅福建等州節度下都知館驛官朝散郎守大理司直

賜緋魚袋崔縝爰資藝文以飾吏事名叅使局效著郵
亭速置多方一作才急宣應命類能舉賢懋賞分官俾膺
儲案之任仍踐憲臣之列可試太子舍人兼監察御史
餘如故

授崔宥太子舍人制

勅殿中侍御史內供奉宥早循學行累踐班資尤推吏
道之能克展官常之效頃持風憲備洽聲猷眷求
列彼儲案宜膺朝選式獎公才可守太子舍人

授紀千鈞太子舍人等制

勅奉議郎試太子左贊善大夫京兆府推官輕車都尉向遊仙奉議郎前行宣州司戶叅軍京兆推官上護軍紀千鈞等各有藝能兼推吏幹通於文法檢以貞廉公勅不偷課效斯著伴遷階秩之寵仍加章服之榮遊仙可朝散大夫守義王府長史勲如故千鈞可太子通事舍人散官勲如故

文苑英華卷四百四

欽定四庫全書

集部

文苑英華卷四百五
七至

詳校官庶吉士臣柳遵祖

助教臣常循覆勘

總校官進士臣朱鈞

校對官中書臣胡紹基

謄錄監生臣李維瀛

欽定四庫全書

文苑英華卷四百五

宋 李昉等 編

王府

王師

授王績蔡約王師制

沈 約

門下冠軍將軍司徒左長史始平縣五等男績華宗冠
冑器質詳和都官尚書約清源素範體業倫正訓茲藩
國僉議攸在績可隨郡王師加散騎常侍男如故約可

零陵王師加給事中主者速施行

授柳沖兼溫王師制

蘇頲

勅左散騎常侍兼脩國史上柱國平陽郡開國公柳沖
族茂汾鼎價珍垂璧雅負通才備聞遺訓探六經之奧
如叩鴻鍾窮百氏之源若披明鏡挾輿切問侍從增榮
擁篲崇儒師資佇德可兼溫王師

王傳

授楊廉陝王傳制

前人

門下利建子弟旁求師傅委之訓導必學疑方直銀青
光祿大夫前岐州刺史上柱國歸義縣開國子楊廉外
示靜默言將發而寡辭內敷條理德不孤而應物故能
遊藝聚學脩官辨政臺閣盡清華之選吏人懷撫貸之
餘儀刑是稱叅議斯在當肄業於鄒衍俾賦詩於韋孟
可陝王傳勲封如故王者施行

授殷彥方王傳等制

孫逖

門下中散大夫守忠王府長史兼侍讀上柱國殷彥方

等朝廷雅望人物周才或聚學冲深或屬詞清遠頃膺授擇皆侍藩維教導之功既聞於日就温文之德遂涉於春儲國有典章義存褒賞宜進秩於高位俾升榮於近傳可依前件

授張崇俊韓王傅制

常 袞

勅朝散大夫前守彭王府諮議叅軍充内飛龍廐驅使賜紫金魚袋張崇俊敏行資身良才適用列官朱邸早陪文學之車從事玉臺久佐飛黃之阜彊力匪懈清心

不渝忠効見稱器能可錄王門傳道允藉純臣仍進榮階俾超爨序可銀青光祿大夫韓王傳餘如故

授薛昌朝絳王傅制

元 稹

勅薛昌朝等國有政職之要其一曰具員所以稽績用

而昇秩序也爾等典掌衆務勤歷

一作勞

歲時無畏

一作瘳

厥官能舉其政擇才以佐諸郎選士以列東朝亦吾蘊宗本枝之意也爾無易之可依前件

授太子賓客王牘等諸王傅制

薛廷珪

勅具官王牘等朕聞王者之子在襁褓中置二公以教訓之由古道也我思成人已來違此多難師訓之義蔑

一作

焉闕聞南面稱尊愧於寡昧由是言念諸子用疚

厥心因擇正人為之傳導今丞相言爾牘等並老於文學雅有德行明君臣父子之道知禮樂詩書之源可使高步承華入叅望苑琢磨羽翼朕有冀焉或授正御或加峻級宜旌優異徃傳童蒙邪蒿鮑魚勿俾登俎胄筵

講肆為惜分陰使其知東平為善之規喜王褒洞簫之賦承萬代之業固磐石之基斯賴於老成人也可依前件

授郭保嗣德王傅依前通事舍人等制

前人

勅具官郭保嗣等資相法儀宣明號令序駕鸞之行綴整珩珮之威容歲事申嚴因不賴爾予聞舊制常俾兼官用獎勤勞以示優假今保嗣等其勤至矣厥官罷焉

宜舉彛章許之序進劄大勲之後舊將之家尚鑿寐以
求思豈淹回之不恤兼八座以傳予愛子亞九卿而立
我明庭勉揚休聲茂對殊寵可

王府諮議

授郭元融寧王府諮議制 孫 逖

勅典軍郭元融名列戎昭官升王邸頗經歲序克著勤
勞宜更文武之職俾在諮謀之任可朝議郎守寧王府
諮議叅軍

授李夷吾榮王府諮議制

勅朝議郎守青州司馬李夷吾門擅文儒才推幹理從
事惟謙在官必達貳于郡職已聞康海之謠官彼王門
宜膺背淮之選可守榮王府諮議叅軍散官如故

授衛元珪蜀王府諮議制 常 袞

勅攝郡牧都使判官朝議大夫行杞王友上柱國衛元
珪項以勤勞爰從獎授紀官之號有犯聞名俾更他職
式叶彝典可守蜀王府諮議叅軍餘如故

授王自勵原王府諮議制

元 稹

勅王自勵左右禁旅非材力過人而忠厚謹信者不在
壁壘庫樓之地惟爾自勵備吾選中平蔡之師亦有功
伐追思舍爵之賞擢授曳裾之寮特示新恩且仍舊職
可檢校太子賓客兼原王府諮議叅軍依前殿中侍御
史如故

授郭皎冀王府諮議制

前 人

勅郭皎材任爪牙姻連肺腑領轅門之右廣假桂苑之

元寮夙著威名嘗頌勇爵元戎啓狀慶澤覃恩宜輟豹
韜之雄以資鴈沼之畫可行冀王府諮議叅軍餘如故

重授李晟通事舍人王府諮議制

白居易

勅李晟昔管仲云升降揖讓進退閑習臣不如隰朋今
之通事舍人近此選也而晟常中此選善於其職故相
導通奏之節宣揚拜起之儀引之集作贊之不聞失禮
既終喪紀宜服官常可使束帶曳裾為吾謁者可通事

舍人

王友

授蕭仲預郢王友制

勅朝議郎行申王府文學攝贊善大夫兼殿中侍御史
借緋魚袋上柱國蕭仲預風裁端莊器識純懿戎王築
館禮盛和親漢使出關事優銜命更列曳裾之寵宜酬
杖節之勤可守郢王友散官勲如故

授賀蘭忠肅郟王友制

黃門正議大夫前檢校郟王友賀蘭忠肅緒業勲華藝能通敏頃陪賓友已先侍楚之名更復班資載允從梁之望可行郟王友散官如故主者施行

授王積薪慶王友制

孫 逖

門下朝散大夫前行右領軍衛長史王積薪博藝多能精心敏識久從班秩頗著勤勞俾遷環衛之司宜在從車之列可慶王友餘如故

授盧光啓等遂王友制

薛廷珪

勅君子之風尚推秀木陽翟之俗必誦秦人古嘗病之
今孰免者爾光啓洎贊皆以麗藻雅文獨行當代孤標
清峙見譽名臣丹青翰墨之林舟楫文章之海道之將
至論者許焉屬爾良知惟其貝錦惑予觀聽罷去鈞衡
爾良知等咸被指名置其連坐無辜去國吞恨投荒而
聞流落五年窮達一致書空永歎問鵬何之人寔有言
用懷愧慙雷雨作解日月無私今也其時吾將補過徵
還朝列將復亨衢階序徽章因仍舊貫光啓洎贊知予

意焉可依前件

王府長史

授崔子源岐王府長史制

蘇頲

黃門朝散大夫守尚書駕部郎中崔子源地緒清茂風
襟亮拔有如繩之直懷匪石之心學不為人文能飾吏
憲曹白簡秋隼曾飛禮闈青縑晨鳧就列睠于藩邸親
則舅甥俾踐端寮宜膺寵命可檢校岐王府長史散官
如故仍追赴京王者施行

授王守廉申王府長史制

前人

黃門朝議大夫守忠州刺史上騎都尉王守廉飾躬清
苦居心孝悌往操簡憲已著厥聲洎頒條寄克脩其政
俾璫筵之茂寵叅碣館之元寮可申王府長史散官勳
如故主者施行

授魏明彭王府長史制

前人

勅銀青光祿大夫使持節建州諸軍事行建州刺史鉅
鹿縣開國伯魏明才業可稱器能適用恪勤彰於事任

綏緝著於公方考績有成班資可進宜從使局之請俾
踐藩寮之職可行彭王府長史散官勲封如故

授薛昌族等王府長史制 元 稹

勅建邦之王府置長史司馬以紀掾屬之秩序而稽其
職業也前寧州刺史薛昌族前沁州刺史烏重儒等皆
勲伐之子孫並良能之牧守朕河山在念肯忘獎勞藩
邸求才實思高選昔阮孚以嘯詠自樂龐秀有忠烈可
嘉更任王宮咸稱國器今之榮授其在茲乎佇移汝理

郡之方以助予維城之固昌族可行絳王府長史重儒
可守冀王府司馬散官勲如故

王府司馬

授田幹之溫王府司馬制

蘇頲

門下正議大夫行尚書主爵郎中上柱國田幹之聿脩
厥德孝稱於百行無玷斯言慎比於三復文儒每因其
業清白用傳其範拜郎仙署已題京兆之名為相寵蕃
式贊河間之美可行溫王府司馬散官勲如故主者施

行

授李友信蜀王府司馬制 常 袞

勅正議大夫試秘書監前吉州刺史上柱國蕭縣開國男賜紫金魚袋李友信往以剖符閩徼頗守官常移鎮廬陵稍遷秩序而晦明生疾寒暑經時久淹海隅尋易藩寄使臣所鞠情實用彰宜降常資之授俾由願養之適可試蜀王府司馬散官勲封賜如故

授王承迪等刺史王府司馬制 元 稹

勅莒王府司馬王承迪恭王府諮議參軍賜緋魚袋王承慶等乃祖乃父有勞邦家而承迪等亦効忠於我伯仲叔季因漏恩榮或典方州或昇清貫惟恐未稱豈礙彝章兼秩憲臺勉當優異承迪可守普州刺史承慶可莒王府司馬兼侍御史賜如故

授康從固翼王府司馬制 杜牧

勅新授銀青光祿大夫檢校國子祭酒兼濮州長史殿中侍御史上柱國康從固其父秀榮巉集作實為名將李

廣多爭死之士實嬰無入家之金一收七闕易如拾芥

念爾跨馬事敵執戈

集作戎

同仇壯比文鶩勇同李敢子

之能仕父教之忠古人之言信不虛設今者願留闕下

以奉朝請念其垂誨可見丹

集作至

誠曳裾憲寮用示恩

寵宜思終始上報君親可檢校國子祭酒兼翼王府司
馬殿中侍御史散官勲如故

文苑英華卷四百五

欽定四庫全書

文苑英華卷四百六

宋 李昉等 編

京府一

京兆尹

授宋璟兼京兆尹制

蘇頲 頌

勅惟雍設都實難其理尹京鎮俗不易其才御史大夫
上柱國廣平郡開國公宋璟天假直清時歸方正端莊
以立姦慝遷於望風果斷而行網維成於不日衣冠所

重人吏攸欽俾承彈糾之餘乃綜浩穰之劇可兼京兆尹餘如故

授蕭璿京兆尹制

前人

黃門九牧之重列為州伯四方之則求於京兆或匪其才莫膺茲任左散騎常侍上柱國東郡留守蕭璿體峻而整氣剛而直慎必兼清文能飾吏慈惠可以應務嚴明可以訓人故當權豪華心貴戚斂手三王迭拜况其甫嗣家聲二鮑相承未若累光朝獎休命斯允僉言所

屬可京兆尹勲如故主者施行

授孟皞京兆尹制

常 袞

門下天府惟雍神臯作京當四海之會同在三輔而尤
劇漢以郡國二千石高第入守而轂下稱之今因其制
而選用亦陟明於辨理也正議大夫守汝州刺史兼御
史中丞知本州營田上柱國平昌縣開國男賜紫金魚
袋孟皞端一簡亮外寬內肅兼文行忠信之美達禮樂
刑政之要在割能斷見事風生歷踐通列侶

墟肝切
剛直也

然

處正自守梁宋化行山東承大軍荆棘之餘當析骸易
子之後苦心精慮夙夜思職淳鹵載作豈止十千之耦
流人自占實踰八萬之數可謂大郡表率一時理平移
鎮汝墳不易其操懋茲聲績堪委重煩京師化源庶尹
之則承平無事統正猶難或多毀傷失名數月輟罷况
寇難未靖邊備尚勞率西之師取給畿內戎衣軍餉困
竭閭閻姦人豪奪吏氣傷沮屢有申勅未懲其弊思得
至公明斷之才曠然大變其俗是用命爾典司劇任勉

脩先父之職以繼緇衣之好肅清權右扶養元元無俾
趙張專美有漢可守京兆尹依前兼御史中丞仍充勾
當神策軍糧及木炭等使散官勲封賜如故

授賈至京兆尹制

前人

門下方外甫定惟新制度必於根本源流正之以丕式
予十有三牧縣內之御萬邦所瞻將自中刑外致一其
政化若獨任辦吏何以模楷故前代尹京多用經術之
士翟方進雋不疑皆首叅此選稱於數下今亦因其制

而進用也正議大夫行尚書兵部侍郎信都縣開國男
賜紫金魚袋賈至高文典誥合於韶雅五經大義會於
宗極識畧精技輔之以仁全節致命形於危難歷階要
重澹然虛懷宗伯以和人神夏官以糾邦國久於叅貳
多所發揮省理持綱亦既詳當朝有大議訪求所得於
公卿大夫之間舉漢魏名臣之奏不失其政有補於時
加以經務大才堪任煩劇艱虞一紀曠廢百度有司失
職京邑尤甚頻有賑救差可條緝今京一作會府九卿率

由舊典大變風俗以明朝綱統尹之重益難其任伏賢
立政叅領南臺懋乃休績慎乃出令以懲強猾以惠困
窮舉能其官則理彌匪其人則敗端本靜末爾其誠之
可守京兆尹兼御史大夫散官勲封賜如故

授京兆府尹魏少遊加御史大夫制

前人

門下肅清風俗糾正朝廷必求審諤之才式總紀綱之
任金紫光祿大夫行京兆尹上柱國鉅鹿郡開國公魏

少遊直方其行簡亮在躬有玉壺之清澄兼龍泉之斷
割通變可以成庶務精密可以舉人倫中外累更風聲
益振法無所避姦不能欺貳職司徒實平邦教三尹京
邑備洽人謠不有兼官豈云重寄宜授趙堯之印俾雄
張敞之職可檢校御史大夫餘如故

授盧士玟權知京兆尹制

勅朕日出而御便殿召丞相已下計事而大京兆得在
其中非常吏也誠以為海內法式自京師始輦轂之下

盜賊為尤

集作先

尹正非人則賢不肖阿枉奏覆隔塞則

上下不通假以恩威用龔豪右朝散大夫守京兆尹知

府事盧士玟自居郎署執政者言其溫重不回守法專

固副內史行

集無行字

事物議歸之日者景陵將建龜筮有

時予心怛然懼不克濟爾嘗倅職應其供求和而不同

儉而不隘峻於已事朕甚嘉焉試命元僚亦既不撓今

圓丘甫及慶澤將施抄剽

集作剽又作剽掠

椎埋必有幸生之

者業牘卒吏亦當因緣為姦公費則多而利不下究惟

是數者爾司其憂為爾正名無恠操剽可權知京兆尹
餘如故

授李遜京兆尹制

白居易

勅近歲京兆長吏數遷誠不便時抑有其故或鈐鍵不
謹吏緣為姦或鈎鉅太煩人受其弊既非中道皆不得
已而罷之宜求恬智寬猛相濟者親諭斯旨使久於其
職以息吾人浙江東道觀察處置等使兼御史大夫集
丞李遜十年以來連守四郡或紛擾之際或荒饉之餘

威惠所加罔不和輯賞其殊績擢在大藩自臨會稽一
如舊政况省科禁以便俗通津梁以息征動遵詔條深
副朝旨江南列鎮良師則多集課程功爾為裊首而內
史之選久難其人今予所求唯爾可使雖表率州部其
委非輕然尹正京師所資尤急宜輟材於浩穰矧觀政
於輦轂望爾有成無替厥命可依前件

授韋正貫京兆尹制

前人

勅權知京兆尹韋正貫詩不云乎京邑翼翼四方是則

故趙張遠延馳名兩漢而不疑兼以儒學取重當時斯
任也吾豈易哉爾敷用政術列為殊科再昇文字之途
一舉雲霄之路近者拔於郡府以尹京師有抑強扶弱
之心得通變適時之用煦若春日肅如秋霜干將淬而
投刃皆虛騏驎馭而追風自遠重以郊天盛禮發號鴻
恩訖事而物力安舒設禁而寇攘帖息是用嘉乃成效
寵之正名爾其奉上思盡臨事思權轄健吏而惠窮人
簡簿書而提綱目處劇勿紊居閒勿遺俾椎剝絕迹於

九衢枹鼓息鳴於五夜克揚顯績用繼前脩可

河南尹

授李傑河南尹制

蘇頌

黃門迺眷清洛嘗聞舊尹重臨黃霸欽若古人銀青光祿大夫陝州刺史上柱國武威縣開國子李傑適務宏才狗公清節以言博物貞固幹事當其奉所任罄厥心必欲存於周密曾不顧於險夷可謂國之良吏朝之蓋臣宜迴陝服之委更允河東之借可河南尹勳封如故

依舊充水陸轉運使主者施行

授畢構河南尹制

前人

黃門洛陽設都海內均土自非選衆疇能尹宗

或作京

蒲

州刺史上柱國平陽郡開國公畢構純懿篤密直方清
勁積學所以體要道力文所以會雅正徇公滅私吏不
犯法擒姦擿伏人無間言在邦則聞從政何有六遂分
職四方作經思齊李膺之舉宜允袁安之拜可河南尹
勲封如故主者施行

授崔隱甫河南尹制

孫 逖

門下三川作都四方取則任能而理求舊為先銀青光祿大夫守太子賓客上柱國崔隱甫冠冕碩人朝廷偉量士林之秀公望攸歸直而能溫寬以濟猛累踐臺閣備彰德器輦轂之務風化所急鎮茲雅俗俟彼正人宜受任於兼官俾重臨於故府可兼河南尹餘如故

授崔希逸河南尹制

前 人

門下制天秩者必在於賞功尹王都者是先於舉德朝

散大夫守左散騎常侍持節河西節度經畧支度營田
九姓長行轉運等副大使知節度使判涼州事赤水軍
使上護軍攝御史中丞賜紫金魚袋崔希逸深識宏才
清操雅致明無不達懸朗鑑於曾懷斷則有餘錯盤根
於掌握項膺邦選爰委兵權能行上將之謀畧西師
之捷寵其命服俾叶於疇庸鎮彼神州更期於表則可
銀青光祿大夫河南尹勲如故

授裴寬河南尹等制

門下風雨所交是稱中土山河之寶斯為近服有能俾
又其在遞遷中大夫使持節蒲州諸軍事蒲州刺史上
柱國裴寬高朗多才懷必割之良器銀青光祿大夫使
持節絳州諸軍事絳州刺史上柱國翼城縣開國伯裴
佑先貞廉守道秉不凋之勁節或累拜清秩或頻更劇
務三汾作郡各著聲謠八使觀風咸推課最類能而使
僉議攸歸宜受任於洛都更移官於蒲坂寬可守河南
尹佑先可使持節蒲州諸軍事蒲州刺史散官勲各如

故

授張延賞河南尹制

常 袞

門下域彼四海尹茲東郊分其三川式是中憲加以舟
車之會轉輸之殷叅貳保釐責成播殖惣此庶務屬於
廉才銀青光祿大夫行中書舍人上柱國河東郡開國
公張延賞相府餘慶儒門濟美德行文學脩身於四科
忠肅恭懿齊名於八族綽有純性澹然素懷凡所歷職
必聞異政推之以誠信明恕守之以廉能簡約既精練

於典常亦陶融於理本故左曹之駁所為平常南臺之
綱斯焉振舉自叅紫垣之列頗擅黃鱗之妙然以素更
中外可任煩劇河洛凋殘其來自久迭用良吏庶康疲
人典領之重眷求無易勞徠安集往哉汝諧可檢校河
南尹兼御史中丞克東都副留守河南水陸轉運使仍
充諸道營田副使專知都畿營田事散官勲封如故

授李勉河南尹制

勅四方取則千里分圻寔惟卜洛之都咨爾尹京之任

御史中丞東都畿內觀察使李勉才茂宗枝名推公器
風標自肅操履愈高智畧可伏於安危忠貞克同於休
戚親賢是賴中外必聞屬肆覲觀風三川展義來蘇望
積處劇才難賢資模楷之良共緝保釐之政可守河南
尹兼御史中丞勲封如故

授崔俊河南尹制

白居易

勅河洛千里邦畿在焉俾之又安屬在尹正鳳翔隴州
節度觀察處置等使正議大夫檢校禮部尚書兼鳳翔

尹御史大夫上柱國安平縣開國男食邑三百戶賜紫

金魚袋崔俊有精敏之用潔直之操施于

集作於

有政由

是知名始資州縣之勞卒致公卿之位况刺部有理行

主計無愆遠尹右輔而鎮西郊蓋獎能報勤之旨也昔

吳公為河南守謹身廉平人服教化袁安為河南尹政

令清肅號為嚴明誰其嗣之無易俊者往為士

集作表

則

勿替能名可檢校禮部尚書兼河南尹散官勲封賜如

故

授許孟容河南尹兼常侍制 前 人

勅昔吳公表安為河南尹守皆能以廉平清肅駁吏教人孰能繼之我有良吏具官許孟容才志甚大言論甚高在臺閣間藹然公望嘗尹京邑觀其器用臨事能守當官敢言不吐剛以如柔不附上以急下政無煩碎甚合衆心及是轉遷頗有遺愛河洛千里邦畿在焉凡所選任必歸望實考言詢事非爾而誰不忘舊政可立新績仍以騎省申而寵之

京兆少尹

授秦守一京兆少尹制

蘇頲

黃門正議大夫行萬年縣令上柱國南安縣開國公秦
守一敏而無滯通則有才刻意深尚於政方立言每求
於學術委之京劇時許能聲眷彼州端朝推令聞俾升
遷於墨綬佇明察於赭裾可行京兆少尹散官勲封如
故主者施行

授白知慎河南少尹制

黃門正議大夫檢校將作少匠上柱國白知慎博觀墳
史祇奉程式吏道尤精公心不轉郎官起草增其應宿
之華匠者運斤主其乘風之妙任能結約一作省費馳
聲爰瞻上洛之都宜亞尹河之寵可行河南少尹散官
勲封如故主者施行

授路嗣恭京兆少尹制

常 袞

勅中散大夫守太子左庶子兼御史中丞充闕內副元
帥判官路嗣恭蘊其才畧資以幹能中外累更政聲尤

其龍樓諭善載實春華烏府持綱克平霜憲三王佐理
九危劭農宜升亞尹之秩兼資大田之務可兼京兆少
尹

授黎幹京兆少尹制

勅朝散大夫前守諫議大夫兼侍御史內供奉賜紫金
魚袋黎幹經遠良圖弘通敏識典墳聚學風雅成文操
守甚貞行歸於正早登近掖見重中朝俊德用彰嘉言
罔伏頃有歸閒之志益存難進之誠亞彼尹京眷求公

器宜膺獎命伴展多方

疑作才

可京兆少尹散官勲封如

故

授張平叔京兆少尹兼知府事制

白居易

勅商州刺史張平叔為人謙直為政簡惠前後歷府掾
邑宰郡守而去思來暮之謠繼聞於人聽焉及副鹽鐵
官判商雒部會課報政亦甲於他官自貞元以來用三
科取士奉詳明政術可以理人之詔而得其名有其實

者幾何人哉平叔居其一也能効若是何用不臧故事
內史缺未補間亞尹得行大京兆事或假印綬試可而
即真者往往有之故其選任日益難重爾宜稱所舉慎
厥職無墮大以勤小無急弱以緩強夕念朝行遵吾約
東可京兆尹知府事

授左司郎中鄭凝吉京兆少尹前龍州刺史韋

貽範右

一作左

司郎中制

錢珣

勅具官凝吉承執政之門知循法之道升在郎署不忘

公家多稱抱材

一作儒林

足以集事今京師尹正之大藩后

兼之甚理矣貳茲善政期爾必能舉而任之無浼吾命
貽範精明不匱弘博可觀嘗佐鉅賢愈脩茂行敏求所
至通籍必華遠牧罷民朝皆思用都曹郎總率之職次
管轄焉吾今舉典用人孰云匪重來居斯秩無効淺為
官或有聞何求不達可依前件

次府少尹

授陸操太原少尹制

孫 逖

門下守洛陽縣令陸操才膺利用官歷清資當斷不疑
在公必濟京兆之亞夫官之劇既馳名於洛邑宜佐理
於汾州可守太原少尹散官如故

授賈耽太原少尹制

常 袞

勅朝散大夫殿中侍御史內供奉充河南度支判官上
柱國賜緋魚袋賈耽燕趙環奇士之儒雅才貞循良秉
懿冲用經遠著安邊之上策作分闡之中權行達理體
精詳法度論兵契要先務於止戈饋運惟難且聞於足

食累書嘉績備洽令猷素推蕪濟之能允叶至公之舉
固可以貳其尹正副我保釐俾參臺閣之寵仍賜綵章
之命可檢校尚書膳部員外郎兼太原少尹侍御史充
北都副留守河東度支副使仍賜紫金魚袋散官勳如
故

授張增鳳翔少尹制

勅朝議大夫守鳳翔府天興縣令張增平簡以清心直
方以慎行積於政理擅於文詞字人晉陽大變風俗更

秩陵邑不阿貴強迭居右輔其政如一屬府兼戎號歲
聚軍儲允濟率西之師且無大東之刺賞以勸善官惟
任能貳我藩畿仍叅邦憲可守鳳翔少尹兼侍御史散
官如故

授楊巨源郭同玄河中興元少尹制

元 禎

勅具官楊巨源詩律鏗金詞鋒切玉相如有凌雲之勢
陶潛多把菊之情朝請郎前守華陰縣令郭同玄文戰

得名吏途稱最劉超推出納之善王渙著抑挫之名皆用已長各居官守因其滿秩議以序遷稽其器局之良宜叅尹正之亞巨源可守河中少尹同玄可權知興元少尹

授孟存成都少尹制

白居易

勅孟存嘗叅極劇集務亦牧疲人咸有能名得於主帥

三蜀征鎮屯於成都雖有忠賢委為尹正至于集贊

脩庶務通統諸曹承而貳之實資亞理勉勸厥職無累

所知可依前件

欽定四庫全書



大宛英華

十七

文苑英華卷四百六

欽定四庫全書

文苑英華卷四百七

宋 李昉等 編

京府二

萬年縣尹

授秦守一萬年縣令制

蘇頲

黃門楚州刺史上柱國南安縣開國公秦守一才稱幹
理迹遊文藝敏而當劇明以燭姦星闈副於求郎河東
羨其為宰事殷輦轂時佇絃歌既揚百里之風更緝萬

年之政可通議大夫行萬年縣令勲封如故主者施行

授鄭巖萬年縣令制

孫 逖

門下中大夫行尚書刑部郎中上柱國鄭巖形神俊秀
理識通明標幹術於公方飾文詞於吏道累登華省嘗
典劇曹宜遷取則之邑更展撥煩之用可行京兆府萬
年縣令

授唐慶萬年縣令制

元 稹

勅朝議郎守尚書比部郎中賜緋魚袋唐慶輦轂之下

豪黠僥輕擾之則獄市不容緩之則囊橐相聚是以前
代惟京令得與御史丞分進道路以其捕逐之急也執
事言爾慶頃推東池鹵生息倍稱布露飴散給鹽散鹽見周禮
於羅落之間而盜賊終不敢進集作近推是為理真吾所
求之劇令也無或畏避以艱悻娶可守萬年縣令餘如
故

授孔戢萬年縣令制

白居易

勅京邑令缺多擇尚書郎有才理者補之兵部員外郎

孔戢自御史府遷夏官之屬凡所蒞職一心奉公在郎署間稱有名實加以文學緣飾吏能伴宰京劇佇有成效可萬年縣令

長安縣令

授鄭仙客長安縣令制

李嶠

勅朝散大夫行鼎州長史鄭仙客識量淹通理懷沉正攝官無怠歷職有聲三輔名畿五方雜俗求人之瘼惟帝所難宜遷題坐之風俾試鳴絃之化可檢校長安縣

令散官如故

授趙昇卿長安縣令制

蘇頲

勅朝議郎守尚書戶部郎中上柱國趙昇卿識融而遠
心密而堅行副其才文參於吏遊刃之美盡中桑林舍
香之能獨推蘭握市朝所令輦轂惟漆宜拜神京之宰
用懲使疑作俠窟之姦可守長安縣令散官勲封如故

授徐演長安縣令等制

常袞

勅朝議郎行尚書工部員外郎賜緋魚袋韋暉朝奉郎

行尚書倉部員外郎上柱國賜緋魚袋徐演等器行純
備文以彰之尤通政體必本經術直道以進當官而行
執憲字人早揚厥職自叅俊茂之選各舉彌綸之要遵
我風化始於京兆一作邑素稱雄劇今則倉廩空虛戎車
未寧兵食屢調稅有倍征之重用過經費之數公私抗

一作

弊人戶離

闕

雖難理之任又屬艱虞而制事之宜

亦有工拙苟或貞介純白端誠奉公恭敬以仁明察以
斷不虐鰥寡不阿貴強以茲撫馭庶有蘇息擇才而授

政宜遠哉俾爾化神臯之俗分司隸之路考其能否當
有遷黜勉思誠勅以副憂勤單可守萬年縣令散官勲
賜如故演可守長安縣令散官勲賜亦如故

授楊魯士長安縣令等制 崔 嘏

勅兵部郎中楊魯士等朕方以親人之任重其守宰欲
使中外迭處周旋可觀至今於尚書省御史府以時序
遷者亦皆推於公議復中念孔門以政事文學列為四
科而魯士等各擅其能久而益勵付之劇縣分以名曹

必能展剖繁拑滯之才副題柱舍香之美且有後命爾其敬哉

授前左司員外郎趙均長安縣令制

錢珣

勅具官某慎行於家能養其親也慎言於朝能保其身也士大夫有是二者列於周行善用恬和且聞淹恤循於常典安可滯遷屬京縣寓理之難度材云急流亡未復賦歛猶虛以爾所慎之多必當克集其事錫茲銀印

耀彼綵衣承寵而將慶問安思報而勉圖為政可依前
件

河南縣令

授鄭璿河南縣令制

蘇頌

黃門正議大夫行尚書職方郎中上柱國鄭璿士門雅
望名教是先吏道通才聲塵自遠嵩卬帝宅周漢王都
宜迴起草之能佇息鳴桴之聽可知河南縣令散官勲
如故王者施行

授何士又河南縣令制

白居易

勅漢朝郎官出宰百里故

集有令字

京邑令缺多命尚書郎

補焉朝議郎行尚書水部員外郎何士又慎檢

集作定

和

易介然有常守而勿失可使從政然能佩弦以自尊帶
星以自勤則緩急勞逸之間必使適宜而會理矣以爾
思退故吾進之可守河南縣令散官勲如故

授盧攸河南縣令等制

崔 嘏

勅前知嘉興監盧攸前知湖南院常宙等國朝之制自

外府正郎至于郡丞半刺不由會府之所選授者中外臣僚歲終得以聞薦而有司鍛鍊其簿籍叅校其資級夏五月各以其名來上惟爾攸等或以文學再登科第或以才人早居賓幕或以利用累司榷筦之繁或以薦延久佐州邦之理嘉乃成績俾其叙遷至于赤縣銅印之榮三川綱轄之任皆吾之慎選也爾其勉之

洛陽縣令

授崔隱甫洛陽縣令制

蘇頲

黃門正議大夫行汾州長史崔隱甫抗迹清循在公明
察素稟才識早聞簡練故以正而不撓和而不同迺眷
有洛是稱中土百里居官四方作則宜副曹摠之選俾
旌王渙之能可檢校洛陽縣令散官如故主者施行

授徐鍔洛陽縣令制

孫逖

門下司封郎中徐鍔業繼文儒才優斷割明而不滯幹
則有威五等是司已傳名於臺妙四方之會宜展用於
京劇可河南府洛陽縣令

授楊晉洛陽縣令制

常袞

勅朝議郎守尚書金部郎中楊晉性方行純識敏才達
本以經術通於理體和而中禮善不近名仙署迴翔士
林推重字人京邑多選臺郎風雨所會俾分洛師之劇
桴鼓不鳴佇繼董宣之政可守洛陽縣令仍賜緋魚袋
散官如故

授崔咸洛陽縣令制

白居易

勅度支員外郎崔咸漢以四科辟士求多略不惑強明

斷決者任三輔令故今四京令缺亦擇尚書郎有才理者補之而咸在郎署中推為利用加以詞學緣飾吏能操割洛陽必有餘刃然宰大邑如烹小鮮人擾則疲魚撓集作則餒寬猛吐如其監于茲可洛陽縣令

西畿縣令

授元欽裕櫟陽縣令制

蘇頌

門下正議大夫行雍州藍田縣令元欽裕從政美才幹時良具山稱多玉已鳴弦於屬城地是雨金將候蹕於

馳道使助王訢之辯宜符尹賞之遷可行雍州櫟陽縣令散官如故

授常光業高陵縣令制

勅朝議郎行岐州陳倉縣令常光業劾官敏濟臨事明察嘉其墨綬聲以淡疑於難祠見漢祁志遷以黃圖政佇

成於鹿苑

見唐地理志

可京兆府高陵縣令

授樊象藍田縣令制

孫述

門下行京兆府司錄叅軍樊象發跡詞場馳名吏職克

勤於位皆著其能掾彼神州既彰人譽宰于近縣俾叶時須可京兆府藍田縣令

授柳子華昭應縣令制

常袞

勅朝議郎前守池州刺史上柱國賜緋魚袋柳子華藻飾以文周通於事剛腸正色奉法無私臨難而忠義侃然處煩而典禮不易頃者守春秋鵲岸之地介東南牛渚之險既明且察吏不敢欺大姓悅從伏戎一作盜賊又作伏賊散落政殊績異風俗一清地雄神臯秩視京縣國朝舊

制亦以刺郡入補副子良選惠此疲人可守京兆府昭
應縣令散官勲賜如故

授東畿令吉旻西畿令制 元 禎

勅前河南府登封縣令吉旻邦畿之宰任得其人蓋有
以人我黎庶足以張吾京師也自輦轂在鎬渥洛務輕
長令之善康東人者徃徃移隸內史今京兆尹季同以
畋有幹蠱之稱流聞于西遂陳換縣之求無替字人之
術可守京兆尹渭南縣令

授裴寰奉先縣令制

前人

勅裴寰等尹正務重自掾屬已下至于邦畿之長往往
選署以聞從而可之亦委任責成之義也以爾等或理
謀居最或保任稱能將委劇曹亦專近邑各懋乃職用
酬爾知可依前件

授韋珩等西畿令制

前人

勅河陽節度叅議兼監察御史韋珩前懷州武德令李
鄂等昔先王青災肆赦則殊死以降無不宥免而受財

集作

枉法者常罪

集作常

罪之以此防吏吏猶有豪奪於

人者朕甚憫焉日者覃懷有過籍之賦使吾百姓無聊
生於下非珩等為吾發覺則吾終不得聞東人之疾苦
矣今美原藍田皆吾甸內之邑爾其為吾養理生息以
惠困窮使天下長人之吏知朕

集有明字

用廉激貪之意焉

珩可守美原令鄠可藍田令

授李真咸陽縣令制

白居易

勅某官李真近者西戎

集作

犯塞詔諸將出師司計臣

俊言實有應辦才可司饋餉故自京府掾假臺郎憲職以命之屬寇遁師旋未展其用況在公族推有器幹今授銅印俾宰咸陽夫庶官之理同歸撫字之任為急西郊咫尺佇爾能聲可京兆府咸陽縣令

授徐登醴泉縣令制

前人

勅徐登京兆尹言登前為涇陽令清廉簡直奉法愛人請補醴泉再考其績昔子路理蒲仲尼誨曰愛而恕可以容困溫而斷可以抑姦今醴泉人與蒲相類宜用此

道往訓養之歲時之間期於報政可醴泉縣令

授李友文興平縣令制

崔 嘏

勅前鄂州觀察使殿中供奉李友文等畿甸之內百役
是 闕

授蔣邕濟源縣令制

勅夫任事之官親於人者莫切於令長也非其才則百
里告病得其人則元元獲安况授其臣在乎所舉獻狀

推允用觀爾能邕可河南府濟源縣令餘如故
授王沂永寧縣令范傳規安邑縣令制

元 稹

勅前汴宋亳潁等州觀察推官殿中侍御史內供奉賜
緋魚袋王沂前宣武軍節度推官監察御史裏行范傳
規等比制諸侯吏府罷則歸之有司以第叙常秩近或
不時以聞謬異前詔朕申明之以復故典而去歲司徒
弘以沂等入覲因獻其能越在後唐之前且寵上台之

請命汝好爵時予加恩勉字邦畿無虐黎獻沂可河南
府永寧縣令傳規可守陝州安邑縣令餘如故

授元壽陸渾縣令制

崔 嘏

勅右補闕元壽縣令親人之任在昔為難况我每念疲
眊思於共理爾有利用可為此官宜輟任於諫垣俾足
才於宰邑解牛利刃來鹿殊祥勉思三異之能無忽百
里之地可

授前右補闕孫握長水縣令賜緋制

錢 珣

勅具官某士大夫不能理其身而能理於人未之有也

爾嘗以文行進取科名列士

一作任

華資詎非素志一旦

自

身作

退朝實多之所謂能理其身固可理於人矣加

之朱綬用表積中寧無所操施為善政可依前件

文苑英華卷四百七